

V R B I N V M.

Cumque aër hic purissimus sit, ingenia profert acutissima, & in omni scientiarum genere excellentia, ac idcirco multi scriptores tradunt, Rocenses, & loci & animi fortitudine fretos, saxi solummodo & lapidibus sæpe fugasse peregrinos exercitus, viam iis ocludentes, ne ad depulanda & vastanda vicina loca excurrere possent. Vnde merito Rocca Contrada dicitur propugnaculum S. R. E. sub cuius signo hæcenus floruit, & etiamnum floret. Insignia ejus Crux Christi & claves S. Petri. Loci amœnitate allesti nobiles plurimi eo per æstatem secedere solent. Aër illi, ut dixi, purus est & purgatus, aqua frigida, vinum generosum. Illustravit eam Angelus Rocca Augustinianus Episcopus, vir moribus candidissimis & doctrina insignis, qui eam scriptis suis nobilitavit, eamque ære exsculpi, addita luculenta descriptione, curavit.

S. Leo.

Monte Felro.

Cæterum restat ut de Dominio S. Leonis aliquid agamus. cujus ager vulgo appellatur *Monte Felro*. id nominis ab antiquo oppidi S. Leonis vocabulo traxit, quod Procopio, Nicephoro Gregoræ, Nicetæ Choniata, & aliis inferioris seculi scriptoribus Græcè scribitur *Μόντης Φεράντης*, *Montes Ferantes*; Luitprando vero

Ticinesi *Mons Feretratus*. quod forsitan melius fuerit *Mons Feretrus*. id enim propius accedit cum ad hodiernum nomen *Monte Felro*, tum ad Græcorum *Μόντης Φεράντης*. & Anastasius in vita Stephani III diserte vocat *Montemferetri*; & in vita Hadriani *Monteferetri*. Oppidum est hodie inter Concham atque Marechiam flumina, in edito colle, vulgari vocabulo S. Leo, episcopali dignitate clarum.

Omnes hæc urbes atque oppida, comprehensis etiam prædiis, reddebant Ducibus quotannis trecenta scutorum millia, & amplius. Regio est opulenta & sæcunda; populo referta est, atque ex urbibus ejus ad xx peditum millia cogi possunt.

Reditus.

Regia.

Anno 1626 Vrbanus VIII, P. M. animadvertens Imperatoris & aliorum molitiones, Ducatum hunc à Duce adhuc superstite, centum millibus ducatorum pro machinis, armis, & reliquo arcium apparatu bellico numeratis, impetravit. Atque ita dominium Ecclesiasticum supra centum viginti milliaria in longitudine, à Terracina & ultimis regni Neapolitani limitibus, ad fines usque domini Venetorum, obtinet.

Ad statum Ecclesiasticum.

